



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlvm X. Ioannes.

[urn:nbn:de:hbz:466:1-62587](#)

dubitacionis habet, num secundum eam procedendum sit, idemque sentiendum de epistola, aut rescripto Principis, et si enim jus faciat. l. 1. ff. de constitut. principum. tamen nisi in corpore juris sit, vel authenticè exhibeatur, probabilem ignorantiam, ac dubium parit. his addit Felin. hic n. 5. quod plures extravagantes moribus videntur receperit non sint, & ideo obligationem non pariant, maximè quoad penas, seu censuras earum, ut docent DD. c. In istis. distinct. 4. & dixi de hoc lib. 1. Tb. Mor. Tract. 4. cap. 3.

Not. II. In dubio, num lex promulgata, vel obligatoria sit, conuenit, ut princeps seu auctor legis consulatur.

CAPITULUM IX.

Cum dilectus.

PARAPHRASIS.

Innocentius III. hic duo respondet, primum, quod instrumenta post publicationem testificationum ab utraque parte produci possint, donec in causâ conclusum sit; alterum si in regno Scotie consuetudo invaluit, ut instrumentum regis pletiam fidem mereatur, eam etiam in foro Ecclesiastico propter regis auctoritatem & honestatem seruandam esse.

S U M M A R I U M.

1. Limitatur constitutio relata in textu, quod instrumenta post publicationem testificationum ab utraque parte produci possint, donec in causa conclusum sit.
2. Consuetudine introduci potest, ut literis Regis, Principis, vel alterius excellenter Magistratus plena fides habeatur, etiam in praetudicium alterius, modo nulla presumptio sit in contrarium.

Not. 1. Quod ad primum responsum attinet, Felinus hic limitationes adhibet, que fermè intelliguntur ex materia de testibus. 1. est, quod judex ex officio, si necessitate sit, instrumenta recipere possit post

conclusionem in causâ. Altera 3. in causa criminali reus ad sui defensionem instrumenta, aliisque probationes producere potest post conclusionem in causâ. 3. est, si instrumenta absque negligentia partis ab eâ de novo reperta sint. 4. Si pars aduersaria consentiat productioni. 5. Si per negligentiam tytoris, vel administratoris instrumenta producta non sint, succurretur pupillo, & Ecclesiae per in integrum restitutionem, & quidem non tantum post causâ conclusionem, sed etiam post latam sententiam, teste gl. c. Inter. 20. de re iudicata.

Not. II. Licet communijure litteræ magistratus, si aliter probatae non sint, pro authenticis non habentur in praetudicium persona tertia, ut dixi in c. 7. de probat. tamen consuetudine introduci potest, ut scriptura excellentis Magistratus, Regis, Principis, Episcopi plena fides habeatur, etiam in praetudicium alterius, dummodo nulla inspicio aut presumptio in contrarium sit, ut colligitur ex hoc c. in fine.

CAPITULUM X.

Ioannes.

PARAPHRASIS.

Eremita Ioannes coram judicibus Viterbiensis petebat libras Senenses 130. ex causa mutui, domum quoque sibi liberam & vacuam tradi ex causa factæ venditionis, Petrus autem ex aduerso dicebat sibi ratione eiusdem domus vendita Ioanni deberi 180. libras, ut proinde factâ compensatione nihil amplius ex mutuo debeat, cum autem judices in causâ progressi essent, denique Petrum condemnarunt ad domum vacuam & liberam tradendam Ioanni, ab hac porro sententia Petrus appellavit ad Innoc. III. qui partibus auditores, seu cognitores cause designauit, coram quibus Petrus per 4. testes probauit venditionem non puram sed conditionalem fuisse, videlicet hoc adjecto modo, vi Petrus, dum viueret, domum inhabitare posset, postea

postea verò Ioannis nepotibus proueniret; & ob hunc adjectum modum in gratiam venditoris minore pretio domum venditam fuisse, verumtamen anni, mensis ac diei, quo venditio facta fuerit, testes dicebant se non recordari; & è contrario Ioannes ad probandum, quod venditio domus non conditionalis, sed pura fuerit, instrumentum publicum produxit, tabellionem quoque, qui instrumentum consecit & testem unum, cuius nomen subscriptum erat. Hinc orta est dubitatio vtra harum probationum praualere debeat, pro parte Rei allegatum fuit, tametsi in litibus judiciariis parem probandi vim habeant instrumentum & testes, tamen non quodlibet instrumentum trium, vel plurium idoneorum testium depositionibus praeserri, ad id Ioannes respondit, cum ipse intentionem suam per instrumentum fundarit, ac Petrus per modum exceptionis objecerit venditionem fuisse conditionalem, hoc verò per testes de certo tempore deponentes probatum non sit, ideoque non constet eos testificari de eadem venditione, quæ per instrumentum, ut determinato tempore facta, probata erat, hinc consequens esse, quod probatio ista per testes inefficax sit ad intentionem Ioannis elidendam. Sed denuò replicauit Petrus, responsum Ioannis non subsistere, siquidem vtraque pars à Pontifice interrogata in iudicio confessa est, vnicam tantum fuisse celebratam venditionem; appetit itaque ex testium depositione eam fuisse conditionalem; cui nihil obstat, quod interrogatio à Pontifice facta sit post conclusionem in causâ, siquidem judex, qui usque ad prolationem sententiae cuncta rimari debet, interrogare potest de facto, quotiescumque dubitatio incurrit; quare Innocentius Papa, requisito Cardinalium consilio, pronuntiauit venditionem conditionalem fuisse, ac proinde Petrum non obligari ad tradendam dominum, sententiam verò judicum, à quibus appellatum, & qui justè pronuntiarent (eo, quod exceptio de venditione conditionali coram ipsis proposita & pro-

bata non fuerit) quoad dictum articulum infirmat; quoad alios verò articulos confirmat.

S V M M A R I V M.

1. Si debita sint vtrinque liquida & circa res, que sub genere suo functionem recipiunt, licet ex diversis titulis sint, compensationi locus est.
2. Modus adjectus contractui venditionis grauans emporem, in partem preij computandus est.
3. Vacillat Instrumentum, si testes inscripti, vel subscripti negent se interfuisse rei gesta ibidem narrata.
4. Expedit, vt testes in instrumento publico sua nomina subscriptant.
5. Instrumentum Notarij manu confitum, & idoneorum testium depositio, parem probandi vim habent.
6. An & quando duo testes sufficient ad derogandam fidem instrumento publico; quando non.
7. Index partes de iis, quæ ad litis decisionem pertinent, etiam post conclusionem in causa interrogare potest.
8. In causa appellationis allegata in priori iudicio & non probata, probari possunt, modo ad causâ decisionem pertineant.
9. Quod officium sit iudicis appellationis.

NO T. I. Si debita sint vtrinque circa res, quæ sub genere suo functionem ac commutationem recipiunt, tametsi ex diversis causis seu titulis sint, compensationi locus est. l. 4. C. de compensat. & docui kb. 3. Th. Mor. Tratt. 2. cap. g. n. 9.

Requiritur tamen, ut vtrumque debitum sit aquæ liquidum, seu indubitatum, sin autem debitum actoris seu petitoris liquidum sit, non potest reus conuentus allegando dubium, aut intricatum, multamque indaginem requirens debitum allegare compensandi causa, sed satisfacere cogitur, controversiâ suâ in aliud iudicium reseruata. l. vlt. C. de compens. quoniam verò intricatum debitum sit, iudicis arbitrio committitur.

Not. II.

2 Not. II. Modus adjectus contractui
absoluto & perfecto interdum conditio
vocatur, verumtamen si propriè accipia-
tur, differt à conditione, cuius natura est,
vt suspendat contractum, sicuti docui *lib. 5.*
Th. Mor. Tract. vlt. p. 2. cap. 7. n. 10.

3 Not. III. Si modus adjectus contra-
ctui venditionis grauet emptorem, tunc
in partem pretii computari debet, seu rem
tanto minoris vendi æquum est. *I. fundi*
79. de conditionali emptione, ubi *Baldus* ait,
quod pæcum, quo emperor grauat, in
partem pretii computari debet.

4 Not. IV. Licet instrumentum Notarii
cum solemnitatibus suis fidem faciat, ta-
men si dubitetur de instrumento, aut
contentis eius, multum adiumenti adfe-
ret, si Notarius ac testes inscripti produ-
cantur, qui affirmant ita gestum esse, quâ
de re *Menochius casu 135. n. 39.* contrâ ve-
rid, si testes inscripti aut subscripti negent
se interfuisse, vacillat instrumentum, do-
nec conuincatur, quâ de re. *Innoc. & Io.*
Andr. hic.

5 Not. V. Expedire videtur, vt testes in
instrumento publico nomina sua subscri-
bant, cùm alioquin plures fraudes à No-
tario committi possint, si ipse solus to-
tum instrumentum testium quoque no-
minibus inscriptis conficiat, id tamen
fermè non obseruatur, vt monet *Abbas*
in c. 1. n. 3. hoc tit. immò frequenter acci-
dit, vt Notarius domi sive cum à contra-
hentibus & inscriptis testibus remotus est,
solemner in membranâ conficiat, quod,
vt dixi, fraudis periculo non caret.

6 Not. VI. Instrumentum Notarii manu
confectum, & idoneorum testium depo-
sitio parem probandi vim habent. *I. In*
exercendis. 5. hoc tit.

Sed queritur, num duo testes sufficient
ad derogandam fidem instrumento publi-
co. Variè hic loquuntur. Sed dico pri-
mò. Si testes directè non deponant con-
tra contenta instrumenti, sed contra ipsum
instrumentum v. g. Notario ostendendo
contrahentem, aut testem inscriptum eo
tempore alibi fuisse, hoc casu sufficiunt

duo testes ad reprobandum, teste *Innoc.*
hic n. 8.

Dico 2: Si testes producunt directè de-
ponant aduersus contenta instrumenti se-
cundùm casum nostri Capituli, judicis ar-
bitrio committendum est, num instru-
mento, an duobus, vel pluribus testibus
de contrario deponentibus fides maior ha-
beada sit, prout etiam ex hoc c. colligi-
tur; in dubio tamen potius inclinandum
est in fauorem instrumenti, alioquin non
suspecti, præsertim si antiquum sit, eò
quod hominum memoria labilis existat,
prout *Io. Andreas* hic tradit, & colligitur
ex *I. Optimam. 14. 5. Et si. C. de contrah. em-
ptione. & ex hoc c. dum enim dicitur in-
strumentum tribus, vel quatuor testibus*
de contrario deponentibus non præferri,
satis significatur, duobus saltem testibus
ordinariè præferendum esse.

7 Not. VII. Iudex ex officio partes de-
iis, quæ ad litis decisionem inseruire pos-
sunt interrogare potest, etiam post conclu-
sionem in causâ. *I. Ubiunque. juncta gl. ff.*
de interrogat.

8 Not. VIII. In causâ appellationis, seu
coram judice appellationis non allegata
in priore judicio, allegari, & non probata
ab utrâque litigantium parte probari pos-
sunt, dummodo ea dependentia sint, seu
pertinentia ad causæ decisionem, ita hic
& in *I. Per hanc. 4.* quam ibi commen-
dant *DD. C. de temporib. appellat.* vide *Fe-*
lin. hic n. 14.

9 Not. vlt. Index appellationis interdum
pronuntiare debet priorem judicem for-
maliter loquendo justè judicâsse, videli-
cket secundum allegata & probata apud
ipsum, licet sententia eius vel omnino vel
secundum unum alterumve articuluni re-
tractanda sit, propter pleniorum causæ de-
ductionem, atque connexionem; & conue-
nit, vt judex appellationis, quantum potest,
saluâ justitiâ prioris judicis existimatio-
nem conseruet ac sententiam eius de-
fendat. *Argum. c. Abbate, 25.*

de verb. signif.

* * *

XXX

Cap.